



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CVIII. Jubileum Universale ad implorandam Divinam opem contra Turcas.

[urn:nbn:de:hbz:466:1-74833](#)

ANNO
1661.

ALEXANDER SEPTIMUS.

141 ANNO
1661.

paginam nostræ confirmationis, approbationis, mandati, revocationis, annulationis, abolitionis, adstrictionis, obligationis, & decreti infringere, vel ei auctu temerario contraire. Si quis autem hoc attentare præsumperit indignationem Omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud S. Mariam Majorem anno Incarnationis Dominice 1661. 17. Kal. Februarii Pont. nostri anno sexto.

Anno à Nativitate Domini Nostri Jesu Christi 1661.
Indictione 14. Pontificatus antea Sanctiss. in
Christo Patris, & D. N. Alexandri Divina
Providentia Papa VII. Anno ejus sexto, die vero
22. mensis Januarii supradicta litera affixa, &
publicata fuerunt ad Valvas Ecclesie Lateranen.
& Basilicæ Principis Apostolorum de Urbe, &
in acie Campi Floræ, per me Jacobum Cornelium Apost. Curs.

Pro Mag. Curs. Hilarius Centellius Apost.
Curs.

CVIII.

Jubileum Universale ad implorandam Divinam opem contra Turcas.

Jubilea hujusmodi indixere Innoc. X. Conficit. I.
Immenæ, hic Pont. Conficit. I. Unigenitus, & 23.
E supra.

Edita An. D.
1661.

ALEXANDER PAPA VII.

Universis Christifidelibus presentes litteras inspe-
ctoria salutem, & Apostolicam benedictionem.

Exordium.

EX quo humilitatem nostram in excelsa Sedis Apostolicæ specula collocavit Altissimus nihil quidem (quantum divina bonitas dedit) prætermisimus quo immanem Turcarum Tyranni Ditio-nes Reipublicæ Venetorum fævissimo bello iam dudum infestant ferociam retunderemus. Nunc vero cum idem Tyrannus expugnata contra fidem publicam Arce Varadini, quæ erat validissimum Hungarici Regni propugnaculum, impetus in citeriores Provincias ingenti apparatu meditari, & adornare, miserrimisque clades universæ Re-publicæ Christianæ minitari videtur, Pontificalia sollicitudo nostra ad oppugnandum nos tanquam murum pro domo Dei ardenter zelo stimulatur. Et quamvis omnia humane industriae opique consilia, & auxilia alaci studio pro viribus expromere, & procurare non desistamus, omnem tamen spem in Domino collocamus: confidentes si deposita per veram penitentiam sarcina peccatorum, immensam ejus misericordiam unanimes imploremus, autisque per eleemosynas, & jejunia viribus orationis, ad eum suppli-ci, concordique voce clamemus, fore ut obli-viscatur iniuriam nostram, quibus ejus iram provocavimus, & Christianæ Religionis hostium vires conterat potentia virtutis suæ. Adeamus ergo cum fiducia ad thronum gratiæ, ut misericordiam consequamur, & gratiam inveniamus in auxilio opportuno.

Fideles ad
locorum
hortatur.

J. 1. Hoc autem ut majori fructu, ferventiori-que spiritus ardore peragatur, ex veteri Roma-næ Ecclesiæ omnium matris, & magistre more ejusdem Ecclesiæ thesauros, quorum dispensato-res Nos constituit Deus, in præsentibus necessitatibus proferre, & largissima manu erogare decrevimus. Itaque ex parte Omnipotentis Dei Pa-tris, & Filii, & Spiritus sancti omnes, & singulos utriusque sexus Christi fideles tam in alma Urbe nostra, quam extra ubilibet locorum con-stitutos Apostolica auctoritate paternè requirimus, monemus & in Domino adhortamur ad infra-

scripta devotè peragendum, & adimplendum, & ad Deum Salvatorem nostrum orandum, ut per viscera misericordiaæ suæ Fidem Catholicam protegere, & defendere, illiusque hostium con-natus, & vires reprimere, & conterere; Principi-um Christianorum pacem, & concordiam con-servare, eorumque corda illuminare, & vires ad Christiani nominis tutelam, & exaltationem uni-re, augere, & roborare, atque omnium nostrum pii conatus opitulari dignetur.

J. 2. Nos enim de Omnipotentis Dei miseri-cordia, ac Beatorum Petri, & Pauli Apostolorum ejus auctoritate confisi, ex illa ligandi, atque folvendi potestate, quam Nobis Dominus, licet indignis, contulit, universis, & singulis utriusque sexus Christi fidelibus in alma Urbe degenti-bus, qui S. Joannis in Laterano, Principis Apo-stolorum, & S. Mariae Majoris ejusdem Urbis Ec-clesias, seu Basilicas, vel Ecclesiarum hujusmodi alteram spatio duarum proximarum hebdomada-rum semel saltem visitaverint, ibique per aliquod temporis spatium devorè, ut supra, Deum ora-verint, ac quarta, & sexta Feria, ac Sabbatho alterius ex prædictis hebdomadis jejunaverint, & peccata sua confessi, Sanctissimum Eucharistiæ Sacramentum in Dominica die immediatè sequenti, vel alia die infra eamdem hebdomadam reverenter sumplerint ac pauperibus aliquam eleemo-synam prout unicuique suggeret devotione, vel possibilis, erogaverint.

J. 3. Ceteris vero extrâ Urbem ubicunque degentibus, qui Ecclesias ab Ordinariis locorum, vel eorum Vicariis, seu Officialibus, aut de eo-rum mandato, & ipsis deficientibus per eos, qui ibi curam animarum exercent, postquam ad eo-rum notitiam haec nostræ pervenerint, designandas, vel Ecclesiarum hujusmodi alteram spatio duarum similiter hebdomadarum à publicatione designationis per Ordinarios, vel eorum Vicarios, seu Officiales, vel alios, ut præfertur, facienda decurrentarum, saltem semel visitaverint, ubique, ut supra, oraverint, ac quarta, & sexta feria, ac Sabbatho alterius ex hebdomadis hujusmodi jejunaverint, pariterque peccata sua confessi, ac in die Dominica immediatè sequenti, vel alia die infra eamdem hebdomadam Sanctissima Communione refecti fuerint, & pauperibus aliquam eleemosynam, ut præmititur, erogaverint, plenissimam omnium peccatorum suorum indulgentiam, & remissionem sicut in anno Jubi-leti visitantibus certas Ecclesias intra, & extra Ur-bem nostri Prædecessores concedere confueverunt, tenore præsenti concedimus, & clargimur.

J. 4. Navigantes vero, & iter agentes ut cum primum ad sua seæ domicilia receperint supra-scriptis peractis, & visitata Ecclesia Cathedrali, vel maiore, aut Parochiali loci eorum domicili-i, eandem indulgentiam consequi possint, & valeant.

J. 5. Regularibus autem personis utriusque se-xus, etiam in claustris perpetuò degentibus, nec-non aliis quibuscumque tam laicis, quam Ecclesiasticis secularibus, vel regularibus, etiam in car-cere, aut captivitate existentibus, vel aliqua corporis infirmitate, seu alio quocumque impedimento detentis, qui supra expressa, vel eorum aliqua praestare nequiviverint, ut illa Confessarius ex jam approbatis à locorum Ordinariis ante præ-sentium publicationem, seu approbandis eis in alia pietatis opera commutare, vel aliud proximum tempus prorogare posse, eaque injungere que ipsi pœnitentes efficer poterunt, pariter concedimus, & indulgemus.

J. 6. Intuper omnibus, & singulis Christi fidelibus utriusque sexus tam laicis, quam Ecclesiasticis, secularibus, & Regularibus cuiusvis Ordini-nis Congregat. & Instituti, tam in Urbe prædicta quam extra eam ubique locorum, ut præfertur, degentibus licentiam concedimus, & facultatem

Preces &
opera pietar-
is prescribit.

Extra Urbem
facienda de-
cernit.

Ad quid te-
neantur na-
vigatores, &
iter agentes.

Regularibus
concedit.

Confessoris
electionem
permittit.

ut sibi ad hunc effectum eligere possint quemcumque Presbyterum Confessarium tam sæcularem, quam cuiusvis Ordinis, & Instituti regularem ex approbatis, ut præmittitur, à locorum Ordinariis, qui eos ab omnibus excommunicationis, suspensionis, & aliis Ecclesiasticis sententiis, & censuris à jure, vel ab homine quavis causa latis, seu infictis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, sive Nobis, & Sedi Apostolicæ, etiam in literis die Cœna Domini legi solitis contentis, & alias per quacumque nostras, aut Romanorum Pontificum prædecessorum nostrorum Constitutiones, quarum tenores præsentibus haberi volumus pro expressis, quomodocumque reservatis in foro conscientiæ, & hac vice tantum absolvere, & liberae valeant.

Votorum
commutatio.

S. 7. Et insuper vota quæcumque (religionis & castitatis exceptis) in alia pia, & salutaria opera commutare, injuncta tamen eis, & eorum cuilibet in supradictis omnibus casibus pœnitentia salutari, aliquis ejusdem Confessarii arbitrio in-jungendis.

Jubilari Ju-
bileum præ-
cipit.

S. 8. Quapropter tenore præsentium in virtute sanctæ obedientiæ districte præcipimus, atque mandamus omnibus, & quibuscumque venerabilibus fratribus Patriarchis, Archiepiscopis, Episcopis, & aliis Ecclesiarum Prælatis, &c. quibuscumque Ordinariis locorum ubicumque existentium eorumque Vicariis, & Officialibus, vel illis deficientibus, illis qui curam animarum exercent, ut cum præsentium litterarum transumpta, aut exempla, etiam impresa, acceperint, illa statim absque illa mora, retardatione, vel impedimento, per suas Ecclesias, & Diœceses, Provincias, Civitates, Oppida, Terras, & loca publicent, & publicari faciant, Ecclesiamque, seu Ecclesias visitandas designent, ne alias ulterius præsentium litterarum executio protrahatur.

Suam men-
tem declarat.

S. 9. Non intendimus autem per præsentes super aliqua irregularitate publica, vel occulta, nota, defœtu, incapacitate, seu inhabilitate quo modo contracta dispensare, vel aliquam facultatem tribuere dispensandi, seu habitandi, & in pristinum statum restituendi, etiam in foro conscientiæ, neque etiam easdem præsentes iis qui à nobis, & Apostolica Sede, vel ab aliquo Prælato, seu judge Ecclesiastico excommunicati, suspensi, interdicti, seu alias in sententias, & censuras incidiſſe declarati, vel publicè denunciati fuerint, nisi infra tempus dictarum duarum hebdomadarum satisfecerint, aut cum partibus concordaverint, ullo modo suffragari posse, aut debere.

Contrariis
derogat.

S. 10. Non obstantibus Constitutionibus, & Ordinationibus Apostolicis, præsertim quibus facultas absolvendi in certis tunc expressis casibus ita Romano Pontifici pro tempore existenti referuntur, ut nec etiam similes, vel dissimiles indulgentiarum, & facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant, necnon Regula nostra de non concedendis indulgentiis ad instar, ac quorūcumque Ordinum, & Congregationum, sive Institutorum regularium, etiam juramento, confirmatione Apost. vel alia quavis firmatae robora-tis statutis, & consuetudinibus, privilegiis quoque, indultis, & literis Apostolicis eidem Ordini-bus, & Congregationibus, & Instituti, illorumque personis quomodolibet concessis, approbatis, & innovatis. Quibus omnibus, & singulis etiam si de illis, eorumque totis tenoribus specialis, spe-cifica, & individua, non autem per clausulas generales idem importantes mentio seu quavis alia expressio habenda, aut aliqua alia exquisita forma ad hoc servanda foret, illorum tenores præsentibus pro sufficienter expressis, ac formam in eis tradi-tam pro servata habentes, hac vice specialiter,

nominatim, & expresse ad effectum præsentium derrogamus, cæterisque contrariis quibuscumque.

S. 11. Ut autem præsentes nostræ, quæ ad singula loca deferri non possunt, ad omnium notitiam facilius deveniant; volumus, ut earumdem præsentium transumptis vel exemplis, etiam im-pressis, manu alicuius Notarii publici subscriptis, & sigillo persona in dignitate Ecclesiastica consti-tuta munitis, ubique locorum, & gentium ea-dem prorsus fides habeatur, quæ haberetur ipsiſ præsentibus si forent exhibita, vel ostensæ.

Datum Romæ apud S. Mariam Majorem, sub Annulo Piscatoris, die 2. Martii 1661. Pontifica-tus Nostri Anno sexto.

Anno à Nativitate Domini Nostri Jesu Christi, mil-lesto sexcentesimo sexagesimo primo, Indi-tione 14. die vero 2. mensis Martii, Pontificatus au-tem Sanctissimi in Christo Patris, & Domini N. D. Alexandri Divina Providentia Papa VII. Anno ejus sexto, supradictum Breve affixum, & publicatum fuit ad valvas Basilica Lateranensis, Principis Apostolorum, & Sanctæ Maria Majoris de Urbe, & in acie Campi Flora, ac aliis locis solitis, & consuetis Urbis per me Andream Ca-strucium Sanctiss. D. N. Papæ Cursorem.

Carolus Melanus Curſ. Mag.

Transumpcio-nis fides.

Dat. P. Ano,
die 2. Martii.

CIX.

Indictio sex Decimarum super fructibus omnium Ecclesiasticorum, Beneficiorum, & Pen-sionum in universa Italia, & Insulis Italæ adja-centibus.

Vide ad Conſit. 160. Urbanii VIII. Suprema diſpo-nitione, in qua conſimilem indi-tionum sex Deci-marum inuenies.

ALEXANDER EPISCOPUS,

Servus Servorum Dei. Ad futuram rei memoriam.

Cum Divina, æternaque illius providentia, cu-jus nutu universa, ac singula in hac Mundi ma-china reguntur. Nos impari licet merito ad eminentem Apostolicæ dignitatis speculam clementissime exerent, ea inter nostras præcipua, maximaque sollicitudines animo obſervarunt, quæ potissimum totius Christiani Orbis discriminibus antevertendis incumbit.

S. 1. Hinc factum est, ut clarissimæ Venetorum Reipublicæ, varia per tot Annos fortuna Barba-rorum impetus tam Mari, quam Terra strenue sustinent ab initio Pontificatus Nostri, præter expensas in Tiriem nostrarum classe singulis quibusque Annis in Ægeum Mare trajicere iusta instruenda erogatas, præterque auxiliares copias jam dudum in Illyrium transmissas indulgentissime etiam Ecclesiasticas super ejus dominii Clerum sex Decimas, seu subsidia ad summam centum milium aureorum annuatim per sexenium alcen-dentes, seu ascensione ultra emolumenta, ac bona Conventuum ibidem suppressorum, conceſſerimus.

S. 2. Verum quia ab Infidelibus nondum ar-mis temperatur, sed eorum exercitus nuper Tran-silvaniam adorti, Varadino, alisque Oppidis ex-pugnatis audacieſ circumferuntur, & majora in inclita Germania, ac Dalmatia, & utrique con-finium Provinciarum populos immaniōrī militū vi moliuntur. Nos ideo paterna commiseratio-ne commoti multis antea precibus effusis, ut exur-gente Domino dissipentur inimici ejus Charissi-mo in Christo filio Nostro Leopoldo Romanorum Regi Illustri in Imperatorem electo enixe à Nobis pro Hungarici Regni sui, quod undique impiorum Arma circumfondant defensione con-

Edita A.D.
1661.

Exordium.

Motiva hu-
jus Conſit.

ſilium,